



## SIARAN AKHBAR PRESS STATEMENT

S.A. 2017/06/42 (HQ)

### TIP PENGGUNAAN ELEKTRIK SEBELUM BALIK KAMPUNG

Bagi mereka yang akan pulang ke kampung halaman sempena Aidilfitri, pastinya ingin meninggalkan kediaman masing-masing dengan peralatan elektrik berada dalam keadaan baik dan selamat.

“Kami ingin menyarankan beberapa tip penggunaan elektrik bersifat praktikal dan bijak tenaga serta boleh dijadikan amalan oleh mereka yang akan pulang ke kampung,” kata Pengurus Besar Kanan, (Hal Ehwal Korporat), Kumpulan Komunikasi Korporat, Tenaga Nasional Berhad (TNB), Datuk Ir. Mohd Aminuddin Mohd Amin.

Berikut adalah beberapa tip yang mudah diamalkan:

1. Pastikan suis peralatan elektrik yang tidak digunakan ditutup dan palamnya ditanggalkan bagi mengelakkan arus elektrik daripada terus mengalir;
2. Sekiranya perlu menyalaikan lampu rumah bagi mengelakkan kecurian, sila pertimbangkan penggunaan alat pengukur masa (timer) supaya lampu tidak dipasang 24 jam sehari;
3. Pastikan semua soket dalam keadaan baik dan tidak dibebankan dengan penyesuai (adapter) berlebihan;
4. Pastikan peralatan elektrik yang perlu dipasang dalam keadaan baik dan motor di dalam peralatan elektrik bermotor, berfungsi dengan lancar;
5. Buka gulungan wayar sambungan tambahan (extension wire) sepenuhnya untuk mengelakkannya daripada menjadi terlalu panas jika digunakan; dan
6. Menguji Pemutus Litar Arus Baki (PLAB) atau Residual Current Circuit Breaker (RCCB), adalah satu amalan yang sebaik-baiknya dilakukan sebulan sekali. Sila rujuk laman web [www.tnb.com.my](http://www.tnb.com.my) atau Facebook TNB Careline untuk mengetahui cara-cara menguji PLAB.

“Semoga tip-tip tersebut membantu anda berhari raya bersama keluarga dan sahabat handai dalam suasana ceria. Selamat Hari Raya Aidilfitri,” kata Ir Mohd Aminuddin.

Beliau turut menasihatkan pengguna untuk menghubungi Pusat Perkhidmatan Pelanggan TNB di talian 15454 atau Facebook TNB Careline untuk mendapatkan bantuan sekiranya gangguan bekalan elektrik berlaku sepanjang perayaan Aidilfitri nanti.

**Dikeluarkan di Kuala Lumpur, jam 1:00 petang, 20 Jun 2017**

*Untuk sebarang pertanyaan media, sila hubungi Nor Hanim Idris (019-2617617) /  
Datuk Omar Sidek (013-3418988) atau emel ke [media@tnb.com.my](mailto:media@tnb.com.my)*